

四庫全書考證

一四



漢書補注

(十三)

王先謙補注

國學基本叢書

李廣蘇建傳第二十四

漢書五十四

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身翰林院編修國子監祭酒加三級臣王先謙補注

李廣隴西成紀人也。〔補注〕齊召南曰。按成紀縣漢初屬隴西郡。至元光以後置天水郡。改屬焉。故志載成紀於天水下。而此傳曰隴西成紀人也。其先曰李信。秦時為將。逐得燕

太子丹者也。〔補注〕先謙曰。史紀此下有故槐里徙成紀六字。廣世世受射。師古曰。受射法。〔補注〕先謙曰。史記廣下有孝文十四年。匈奴大

入蕭關。師古曰。在上郡北。而廣曰良家子。從軍擊胡。〔補注〕周壽昌曰。漢制。凡從軍不在七科。謫內者。謂之良家子。用善射。殺首虜多。為郎騎常侍。師古曰。官

為郎。常騎以侍天子。故曰騎常侍。〔補注〕先謙曰。史記云。用善騎射。首虜多。為漢中郎。廣從弟李蔡亦為郎。皆為武騎常侍。秩八百石。索隱謂為郎而補武騎常侍也。先謙案百官表。無武騎常侍。據史記。蓋文景時置此官。後省。司馬相如傳。相如亦為武騎常侍。武字不

可少。師古望數從射獵。格殺猛獸。文帝曰。惜廣不逢時。令當高祖世。萬戶侯豈足道哉。景帝即位。為騎郎

將。師古曰。為騎郎之將。主騎郎。〔補注〕先謙曰。百官志。郎有車。騎三將。秩皆比千石。史記云。及孝景初立。廣為隴西都尉。徙為騎郎將。吳楚反時。為驍騎都尉。從太尉亞夫戰昌邑下。



顯名。〔補注〕先謙曰。史記作取旗顯功名昌邑下。呂梁王授廣將軍印。故還賞不行。文穎曰。廣為漢將。私受梁印。故不得賞也。為上谷太守。數與匈奴戰。典

屬國公孫昆邪為上泣曰。服虔曰。昆邪。中國人也。師古曰。對上而泣也。昆。音下溫反。李廣材氣。天下亡雙。自負其能。

數與虜确。恐亡之。師古曰。負。恃也。确。謂競勝敗也。确音角。〔補注〕先謙曰。說文。确。擊石也。擊。堅也。一切經音義引通俗文。物堅鞭謂之确。無競義。角借字耳。當正作角。上乃徙廣為上郡太守。匈

奴入上郡。〔補注〕先謙曰。官本入作侵。引宋祁曰。侵上郡。監本改侵作入。案史記作匈奴大入上郡。上使中貴人從廣。服虔曰。內臣之貴幸者。〔補注〕先謙曰。索隱。案董巴與服志云。黃門丞主密近。使聽察天下。天下謂

之中貴人使者。崔浩云。在中而貴幸。非德望。故云中貴也。勒習兵擊匈奴。中貴人者。將數十騎從。張晏曰。放從遊獵也。師古曰。張讀作縱。此說非也。直言將數十騎自隨。在大軍前行。而忽遇敵也。從。音才

用反。〔補注〕王念孫曰。顏以從為隨從。非也。既在大軍前。則不得言隨從。若謂以騎自隨。則當云從數十騎。〔下文云。李敢從數十騎。〕不當云將數十騎從也。張讀從為放縱。是也。而云放縱遊獵。亦非。今案從讀為縱。兵之縱。謂擊之也。史記作中貴人將數十騎縱。徐廣

曰。放縱馳騁。蓋得其意矣。下文聞鼓聲而縱。聞金聲而止。史記高祖紀。高祖與項羽決勝垓下。孔將軍。費將軍縱。匈奴傳。漢兵約單于入馬邑。而縱朝鮮傳。率遼東兵先縱。並與將數十騎從之。同義。先謙曰。官本張注。從作縱。是。見匈奴三人。

與戰。射傷中貴人。殺其騎且盡。中貴人走廣。師古曰。走。趣也。音奏。廣曰。是必射鵰者也。文穎曰。鵰。鳥也。故使善射者射之。師古曰。鵰。大鷲鳥也。一名鷲。黑色。翮可

以為箭。羽音彫。廣乃從百騎。往馳三人。師古曰。疾。馳而逐之。三人亡馬步行。行數十里。廣令其騎張左右翼。師古曰。旁引其騎。若鳥翼之為。而廣

身自射彼三人者。殺其二人。生得一人。果匈奴射鵰者也。已縛之上山。〔補注〕周壽昌曰。史記作上馬。是若廣先上山。匈奴又何以上山陳耶。望

匈奴數千騎。〔補注〕李慈銘曰。史記見廣曰為誘騎。驚上山陳。師古曰。為陳以待廣也。廣之百騎皆大恐。欲馳還走。廣曰。

我去大軍數十里。今如此走。匈奴追射我。立盡。今我留。匈奴必曰我為大軍之誘。〔補注〕先謙曰。誘即上所云誘騎也。史記之誘作誘

之誤。不我擊。師古曰。不我擊。不敢擊我也。廣令曰前。〔補注〕先謙曰。令騎前行也。史記下更有前字。未到匈奴陳二里所止。令曰。皆下馬解鞍。騎曰。虜

多如是解鞍。即急。奈何。廣曰。彼虜曰我為走。今解鞍。曰示不去。〔補注〕王念孫曰。去當為走字之誤也。走與不走。文正相對。不當變走言去。御覽兵部二十五引此。

正作不走。史記及通典兵六通鑑漢紀十六並同。用堅其意。師古曰。示以堅牢。令敵意知之。〔補注〕先謙曰。顏說分用堅其意為二義。非也。此言匈奴以我為誘騎。故上山陳。然猶疑我走。今解鞍以示不去。用堅彼以我為誘騎之意。所謂使之不

疑也。與上文今我留。匈奴必以我為大軍之誘。相應。史記此下有於是胡騎遂不敢擊八字。有白馬將出護兵。師古曰。將之乘白馬者也。護謂監視之。〔補注〕錢大昭曰。閩本無此七字。非。廣上馬。與十餘

騎奔射殺白馬將而復還。至其百騎中。解鞍。縱馬臥。師古曰。縱放也。時會暮。胡兵終怪之。弗敢擊。夜半。胡兵曰

為漢有伏軍於傍。欲夜取之。即引去。平旦。廣乃歸其大軍。後徙為隴西、北地、雁門、雲中太守。〔補注〕先謙曰。史記敘此

文於匈奴大入上郡前云嘗為隴西北地雁門代郡雲中大守皆以力戰為名此漏書代郡也據公卿表廣由隴西太守為衛尉則隴西當在諸郡末史記則云以上郡太守入為衛尉武帝即位左右言廣名將也由

是入為未央衛尉而程不識時亦為長樂衛尉〔補注〕先謙曰公卿表元光元年隴西太守李廣為衛尉不書程不識百官志云長樂建章甘泉衛尉皆掌其宮職略同不常置故表不書

程不識故與廣俱曰邊太守將屯及出擊胡而廣行無部曲行陳師古曰續漢書百官志云將軍領軍皆有部曲大將軍營五部部校尉一人部下有曲曲有軍

候一人今廣尚於簡易故就善水草頓舍人人自便師古曰頓止也舍息也便安利也音類面反其下亦同道之中而不立部曲也不擊刀斗自衛

孟康曰刀斗曰銅作鏃受一斗晝炊飯食夜擊持行夜名曰刀斗今在滎陽庫中也蘇林曰形如銷無緣師古曰鏃音譙郡之譙溫器也銷音火玄反銷即鏃也今俗或呼銅鏃音姚〔補注〕先謙曰刀官本作刁是史記亦作刁又官本注行下夜字作故集解引受上有

器字無上刀斗二字今下七字索隱引蘇林曰形如銷以銅作之無緣受一斗故云刁斗莫府省文書晉灼曰將軍職在征行無常處所在為治故言莫府也莫大也或曰衛青征匈奴絕大莫大克獲帝就拜大將軍於幕中府故曰莫府莫府之

名始於此也師古曰二說皆非也莫府者以軍幕為義古字通單用耳軍旅無常居止故以帳幕言之廉頗李牧市租皆入幕府此則非因衛青始有其號又莫訓大於義乖矣省少也音所領反〔補注〕宋祁曰晉灼二字史記作如瀉說先謙曰史記作省約文書籍事

注幕中府之幕當作莫然亦遠斥候未嘗遇害〔補注〕先謙曰索隱案許慎淮南云〔南下脫注字〕斥度也候視也望也程不識正部曲行伍營陳擊刀斗吏

治軍簿師古曰簿文簿音步戶反至明軍不得自便不識曰李將軍極簡易然虜卒犯之無忌師古曰卒謹曰猝而其士亦佚

樂師古曰佚與逸同爲之死〔補注〕先謙曰史記作逸樂謂閑豫也咸樂爲之死語意較足

我軍雖煩擾虜亦不得犯我是時漢邊郡李廣程不識爲

名將然匈奴畏廣士卒多樂從而苦程不識師古曰苦謂厭苦之也〔補注〕先謙曰官本無也字不識孝景時曰數直諫爲太中大

夫爲人廉謹於文法後漢誘單于曰馬邑城使大軍伏馬邑傍而廣爲驍騎將軍屬護軍將軍師古曰韓安國

單于覺之去漢軍皆無功後四歲廣曰衛尉爲將軍出雁門擊匈奴〔補注〕先謙曰元光六年匈奴兵多破廣軍生得

廣單于素聞廣賢令曰得李廣必生致之胡騎得廣廣時傷置兩馬間絡而盛之〔補注〕宋祁曰越本無之字先謙曰越本是也下文

臥行十餘里臥行連文不合蓋廣傷不能起坐故絡而盛其臥也史記作絡而盛臥廣行十餘里是臥字屬上爲文不應有之字明矣通鑑亦作絡而盛臥

馬師古曰睨邪視也音五係反暫騰而上胡兒馬師古曰騰跳躍也〔補注〕先謙曰廣雅釋詁暫猝也因抱兒鞭馬〔補注〕先謙曰官本考證茅坤曰史記作因推墮兒是洪

顛煊云世表集解抱音普茅反讀如南馳數十里得其餘軍匈奴騎數百追之廣行取兒弓射殺追騎師古曰且行且射也

曰故得脫於是至漢漢下廣吏吏當廣亡失多爲虜所生得師古曰當謂處其罪也當斬贖爲庶人數歲與故潁陰



侯屏居藍田南山中射獵。

師古曰：穎陰侯灌嬰之孫，名彊。〔補注〕錢大昭曰：時彊以有罪免侯，故曰故也。

嘗夜從一騎出，從人田間飲。

〔補注〕宋祁曰：南本飲作欲。先謙曰：南本

誤。史記亦作飲。

還至亭，霸陵尉醉呵止廣。

〔補注〕譚宗浚曰：按說文無呵字，呵當作柯。說文柯下云：搯也。从手，可聲。周書曰：盡執柯。疑此及江充傳：館陶公主行馳道中，充呵止之，皆作柯為是。柯止謂搯止不使行也。呵字

或淺人所改耳。又說文訶下云：大言而怒也。與柯止之柯義相通而微異。先謙曰：索隱案百官志云：尉、大縣二人，主盜賊。凡有賊發，則推索尋案之也。

廣騎曰：故李將軍尉曰：今將軍尚不得夜

行，何故也？宿廣亭下，居無何，匈奴入遼西。

〔補注〕宋祁曰：越本作隴西。先謙曰：事在元朔元年。見武紀。匈奴傳越本誤。

殺太守，敗韓將軍。

蘇林曰：韓將韓安國。

軍後徙居右北平，死。於是上乃召拜廣為右北平太守，廣請霸陵尉與俱。

師古曰：奏請天子而將行。

至軍而斬之，上書

自陳謝罪，上報曰：將軍者，國之爪牙也。司馬法曰：登車不式，遭喪不服。

服虔曰：式，撫車之式。呂禮敬人也。式者，車前橫木也。字或作軾。〔補注〕沈欽韓

曰：司馬法：兵車不式。城上不趨，無遭喪不服語。

振旅撫師，召征不服，率三軍之心，同戰士之力，故怒形則千里竦，威振則萬物伏。

師古

曰：竦，驚也。

是日名聲暴於夷貉，威稜憺乎鄰國。

李奇曰：神靈之威曰稜，憺猶動也。蘇林曰：陳留人語，恐言憺之。師古曰：曰稜，音來登反。憺，音徒濫反。〔補注〕先謙曰：廣韻：稜，俗稜字。說文：稜，楓也。一切經音義

十八引通俗文：木四方為稜。人有威，如有稜者然。故曰威稜。後漢班彪王充傳注：並訓稜為威。非獨神靈之威曰稜也。文選：蕪城賦：稜稜霜氣。注：嚴冬之貌。故霜氣亦言霜威矣。

夫報忿除害，捐殘去殺，朕之所圖



於將軍也。若迺免冠徒跣，稽顙請罪，豈朕之指哉。

師古曰：指意也。

將軍其率師東轅，彌節白檀。

孟康曰：白檀，縣名也。屬右北平。李奇曰：彌

節，少安之貌。師古曰：彌，音亡。俾反。〔補注〕錢大昕曰：地理志，白檀屬漁陽，不屬右北平。孟注因下有右北平字而誤耳。沈欽韓曰：一統

志，漢白檀縣，在今古北口外承德州界，相傳在古北口東北一百四十里。此真漢白檀縣地。紀要云：白檀廢縣，在昌平州密雲縣南。白

檀山在縣南二十里。此本漢斥奚縣地。後魏於此置白檀縣，為密雲治，非漢之白檀也。紀要誤。先謙曰：顧

炎武云：彌與弭同。司馬相如傳：於是楚王乃弭節徘徊。郭璞曰：弭猶低也。節，所杖信節也。官本注無也字。〔補注〕王先慎曰：臨盛秋，即後世所謂

曰盛秋馬肥，恐虜為寇，故令折衝禦難也。〔補注〕防盛秋是也。廣在郡，匈奴號曰漢飛將軍，避之數歲

不入界。廣出獵，見草中石，曰為虎而射之。中石沒矢，視之，石也。他日射之，終不能入矣。

〔補注〕沈欽韓曰：西京雜記：李廣與

兄弟共獵於冥山之北，見臥虎焉，射之一矢，即斃，斷其鬪髀以為枕，示服猛也。他日復獵於冥山之陽，又見臥虎，射之，沒矢飲羽，進而

視之，乃石也。退而更射，鏃破箭折，而石不傷。余嘗以問楊子雲，子雲曰：至誠則金石為開。按呂覽精通篇：養由基，新序雜事：楚熊渠子

事並同。北史李遠傳：遠，陵之後也。嘗校獵於沙柵，見石於叢薄中，以為伏兔，射之而中，鏃入寸餘，就而視之，乃石

也。周文聞而異之，賜書曰：昔李將軍親有此事，公今復爾，可謂世載其德。然則北史所載，想非虛造，果有其事矣。廣所居郡，聞有

虎，常自射之。及居右北平，射虎，虎騰傷廣，廣亦射殺之。石建卒，上召廣，代為郎中令。元朔六年，廣復為

將軍，從大將軍出定襄，諸將多中首虜，率為侯者。

如淳曰：中猶充也。充本法得首若干封侯也。師古曰：率，謂軍功封賞

之科。著在法令者也。中音竹仲反。其下率亦同。〔補注〕先謙曰：官本

無末而廣軍無功。後三歲，廣曰郎中令將四千騎，出右北平。博望侯張騫將萬騎，與廣俱異道，行數百

里。匈奴左賢王將四萬騎圍廣，廣軍士皆恐。廣迺使其子敢往馳之，敢從數十騎，直貫胡騎，出其左右

而還，報廣曰：「胡虜易與耳。」軍士乃安，為圓陳，外鄉師古曰：鄉，讀曰嚮。胡急擊，矢下如雨，漢兵死者過半。漢矢且

盡，廣乃令持滿毋發。師古曰：注矢於弓弩而引滿之，不發矢也。〔補注〕先謙曰：官本引作張。而廣身自引大黃射其裨將。服虔曰：黃，肩弩也。孟康曰：太公

灼曰：黃，肩，即黃間也。大黃，其大者也。師古曰：服晉二說是也。〔補注〕齊召南曰：注太公下應有六韜曰三字，此刊本訛脫也。沈欽韓曰：文選射雉賦：奉黃間以密殼。鍾鼎款識：右中郎將弩機上字云：中郎將曹悅赤黑閒。按所謂黃閒白間，皆在弩機處名之也。先謙曰：集

解，章昭曰：角弩，色黃而體大也。索隱章說是。殺數人，胡虜益解。〔補注〕先謙曰：益，漸也。解在景十三王傳。會暮，吏士無人色。師古曰：言懼甚。而廣意氣自如。師古曰：自如，猶自如猶

云如。益治軍。師古曰：巡部，曲整行陳也。軍中服其勇也。明日復力戰，而博望侯軍亦至。匈奴迺解去，漢軍罷，弗能追。師古曰：罷，

讀曰。是時，廣軍幾沒，罷。師古曰：幾，音鉅，衣反。〔補注〕宋祁曰：浙本及越本並無罷字。先謙曰：此師古誤讀，罷字連歸為文，謂罷兵歸也。下迺言漢法云云耳。若罷字連上讀，則沒罷不成義。浙本越本刪去罷字，迺為顏讀所誤也。

歸。漢法博望侯後期當死，贖為庶人。廣軍自當亡賞。師古曰：自當，謂為虜所勝，又能勝虜，功過相當也。〔補注〕先謙曰：軍自當，史記作軍功自如，如當義同。初，廣與

從弟李蔡俱爲郎。事文帝。景帝時。蔡積功至二千石。武帝元朔中。爲輕車將軍。從大將軍擊右賢王。有

功。中率。〔補注〕錢大昭曰。中率。中首虜率也。上文云。諸將多中首虜率爲侯。封爲樂安侯。師古曰。此傳及百官表。並爲樂安侯。而功臣表作安樂侯。是功臣表誤也。〔補注〕周壽昌曰。樂安。地理志屬千乘郡。在今山東青州府博興縣

北。無安樂縣名。元狩二年。代公孫弘爲丞相。蔡爲人在下中。師古曰。在下輩之中。〔補注〕李慈銘曰。下中者。卽人表第八等。謂下等之中也。名聲出廣下遠

甚。然廣不得爵邑。官不過九卿。廣之軍吏及士卒。或取封侯。廣與望氣王朔語曰。〔補注〕先謙曰。官本曰作云。天文志。王朔所候。決於

日旁。開元占經曰。自漢擊匈奴。廣未嘗不在其中。而諸妄校尉已下。張晏曰。妄猶凡也。〔補注〕先謙曰。史記妄作部。材能不及中。師古曰。中

謂中庸之人也。呂軍功取侯者數十人。廣不爲後人。〔補注〕先謙曰。索隱謂不在人後也。然終無尺寸功。呂得封邑者。何也。豈吾相不

當侯邪。〔補注〕先謙曰。史記此句下有且固命也四字。以相與命兼說。朔曰。將軍自念。豈嘗有恨者乎。師古曰。恨。悔也。〔補注〕王念孫曰。案恨上有所字。而今本脫之。則語意不完。藝文類聚封爵部。御覽

封建部一引此。皆有所字。史記同。廣曰。吾爲隴西守。羌嘗反。吾誘降者八百餘人。詐而同日殺之。至今恨獨此耳。朔曰。禍

莫大於殺已降。〔補注〕沈欽韓曰。吳越春秋。吳王曰。吾聞誅降殺服。禍及三世。此迺將軍所曰不得侯者也。廣歷七郡太守。前後四十餘年。



得賞賜輒分其戲下。

師古曰戲讀曰麀又音許宜反。

飲食與士卒共之家無餘財終不言生產事為人長爰臂。

如淳曰臂如猿臂通肩也。

或曰似當為緩臂也師古曰王國風菟爰爰之詩云有菟爰爰爰爰緩意也其義兩通〔補注〕沈欽韓曰淮南修務訓羿左臂修而善射此亦如猿之通臂也或曰緩臂緩臂何能善射乎先謙曰史記作猿臂爰爰省字集解引如說作臂如猿通肩此注下臂字當是衍文

官本爰爰緩意也作亦緩意三字

其善射亦天性雖子孫他人學者莫能及。

〔補注〕先謙曰藝文志有李將軍射法三篇

廣呐口少言。

師古曰呐亦訥字

與人

居則畫地為軍陳射闊狹曰飲專曰射為戲。

如淳曰為戲求疏密持酒以飲不勝者也

將兵乏絕處見水土卒不盡飲不近水。

不盡餐不嘗食。

〔補注〕沈欽韓曰三略軍井未鑿將不言渴單竈未炊將不言飢

寬緩不苛。

師古曰苛細也

士曰此愛樂為用其射見敵非在數十步

之內度不中不發。

師古曰度音待各反中音竹仲反

發即應弦而倒用此其將數困辱。

〔補注〕先謙曰非見敵急不射故其將軍數被敵窘迫

及射猛獸亦

數為所傷云元狩四年大將軍票騎將軍大擊匈奴廣數自請行上曰為老不許良久乃許之曰為前

將軍大將軍青出塞捕虜知單于所居迺自曰精兵走之。

師古曰走趣也音奏

而令廣并於右將軍軍出東道。

師古曰并

合也合軍而同道〔補注〕齊召南曰案後文注右將軍趙食其也應在此文下先謙曰師古為食其作注耳齊說誤官本注未有也字

東道少回遠。

師古曰回繞也曲也音胡悔反

大軍行水草少其勢不

屯行。張晏曰以水草廣辭曰臣部爲前將軍。今大將軍乃徙臣出東道。且臣結髮而與匈奴戰。師古曰言始勝冠即在戰

陳。迺今一得當單于。臣願居前。先死單于。師古曰致死而取單于。大將軍陰受上指。曰爲李廣數奇。孟康曰奇隻不耦也。如淳曰數爲匈奴所

敗爲奇不耦。師古曰言廣命隻不耦合也。孟說是矣。數音所角反。奇音居宜反。補注宋祁曰數南本浙本並所具反。予按師古是孟說。自然音所具反音所角當從如說。未有解從孟而音從如也。可判其繆焉。譚宗浚曰按孫奕示兒編引宋景文筆錄云孫爽亦誤以爲朔。先謙曰索隱小顏音所具反宋說是。

毋令當單于。恐不得所欲。師古曰謂不勝敵也。補注先謙曰胡注謂指欲禽單于。脫有邂逅失之爲不得所欲。是時公孫敖新失侯。爲

中將軍。補注劉奉世曰按青去病傳是歲出塞無中將軍而敖傳是歲以校尉從大將軍。此傳誤也。先謙曰武紀云青將四將軍去病傳有前後左右將軍。則無中將軍明矣。但敖既爲校尉不爲將軍。即青欲令當單于與廣徙他道與否無涉。非若敖廣

俱爲將軍。必須徙一將軍。乃畱一將軍也。若謂廣與青俱。敖即不能畱軍中。俱當單于。此必無之理。廣死由青。當時哀廣者歸過於青。不免曲加文致。此自史公元文之誤。班氏承用之耳。大將軍亦欲使敖與俱當單

于。補注先謙曰胡注青本與敖友。又脫青於阨。故青欲使當單于而立功。故徙廣。廣知之。固辭。大將軍弗聽。令長史封書與廣之莫府。師古曰之往也。莫府衛青

行軍府。補注宋祁曰廣之莫府。景祐本無廣字。劉敞曰莫府乃廣之前將軍莫府也。凡將兵皆有莫府。張敖監平樂兵。置莫府。是矣。大將軍既不許廣。難而不從。故但封書與廣之莫府。使奉行耳。及後急責廣之莫府。亦是劉奉世曰此莫府。廣軍之莫府。曹吏文書所

在也。廣見大將軍未肯去。青徑封與廣莫府。令如書也。與之幕府者。猶言與其莫府也。李慈銘曰廣之莫府。謂廣所自立之莫府也。上云廣行軍。莫府省文書。則將軍之出。各有莫府明矣。先謙曰劉李說是。奉世所見漢書與景祐本同。故訓之爲其。但景祐本奪廣字耳。

曰急詣部如書。

〔補注〕先謙曰此青面告廣之言詣部即下所云就部也不明示之但令詣部如書指而行然弗聽之意已在言外故廣不謝而起行也正義謂令廣如其文牒急引兵徙東道是以爲青面告廣徙東道則上封書爲贅文矣。

廣不謝大將軍而起行。意象愠怒。而就部引兵與右將軍食其合軍出東道。

師古曰言愠怒之色形於外也。

師古曰趙食其也。食音異其音基。

惑失道後大將軍。

師古曰惑迷也在後不及期也。〔補注〕王念孫曰正文注文本皆作或今作惑者後人不識古字而改之以字本作或故師古釋之曰或迷也。衛青霍去病傳或失道師古亦曰或迷也。若作惑則不須訓釋矣。文選范

彦龍效古詩注御覽兵部五引此並作或史記同先謙曰注在衍字史記或上有軍亡導三字。

大將軍與單于接戰單于遁走弗能得而還南絕幕迺遇兩將軍。

師古曰絕渡也。〔補注〕朱一新曰幕與漠同先謙曰注渡當爲度。

廣已見大將軍還入軍大將軍使長史持糒醪遺廣。

師古曰糒乾飯也醪汁滓酒也糒音備醪音牢。

因問

廣食其失道狀曰青欲上書報天子失軍曲折。

師古曰曲折猶言委曲也。〔補注〕先謙曰史記無失字正義軍曲折言委曲而行回折使軍後大將軍也。王念孫云軍上當有失字廣食其軍

與大將軍軍相失故曰失軍報失軍曲折者報失軍之委曲情狀也正義失其指矣。

廣未對大將軍長史急責廣之莫府上簿。

師古曰之往也簿謂文狀也音步戶反。

廣曰諸校

尉亡罪乃我自失道吾今自上簿至莫府。

〔補注〕劉奉世曰此兩莫府亦廣之莫府也廣見青已還入軍未至莫府而長史來問廣廣未對而長史又旁責廣之莫府曹吏令上簿故廣云我今自上簿

然後退至莫府乃自剄耳。謂其麾下曰廣結髮與匈奴大小七十餘戰今幸從大將軍出接單于兵而大將軍徙廣部。



行回遠。又迷失道。豈非天哉。且廣年六十餘。終不能復對刀筆之吏矣。遂引刀自剄。百姓聞之。知與不

知。老壯皆為垂泣。

師古曰。知。謂素相識知也。

而右將軍獨下吏。當死。贖為庶人。廣三子。曰當戶、椒、敢。皆為郎。上與韓嫣

戲。嫣少不遜。

師古曰。嫣音優。

當戶擊嫣。嫣走。於是上召為能。

〔補注〕先謙曰。史記能作勇。

當戶蚤死。

師古曰。蚤。古早字。〔補注〕先謙曰。當為早借蚤字。

乃拜椒

為代郡太守。皆先廣死。廣死軍中時。敢從票騎將軍。廣死明年。李蔡召丞相。坐詔賜冢地陽陵。當得二

十畝。蔡盜取三頃。頗賣得四十餘萬。又盜取神道外墻地一畝。葬其中。

師古曰。墻。音人椽反。〔補注〕先謙曰。索隱云。墻地。神道之地也。黃圖云。陽陵闕

門西出神道。四通茂陵神道。廣四十三丈也。案陽陵。景帝陵。蔡為丞相。得賜冢地。陵旁於所當得地外。侵盜賣錢。又取神道地營葬也。史記作坐。侵孝景園墻地。表作坐。以丞相侵賣園陵道墻地。並以陵墻二事言。

當下獄。自殺。敢召

校尉從票騎將軍。擊胡左賢王。力戰。奪左賢王旗鼓。斬首多。賜爵關內侯。食邑二百戶。代廣為郎中令。

〔補注〕先謙曰。公卿表。敢為郎中令。在元狩五年。

頃之。怨大將軍青之恨其父。

師古曰。令其父恨而死也。〔補注〕先謙曰。恨。讀為很。很。違也。謂廣欲居前部。當單于。而青不聽。說詳劉向傳。顏訓非。

迺擊傷

大將軍。大將軍匿諱之。居無何。敢從上雍。至甘泉宮。獵。

師古曰。無何。謂未多時也。雍之所在。地形積高。故云上也。上音時。掌反。他皆類此。〔補注〕周壽昌曰。從上雍。言從上於雍。

也。故被去病射死。而上為諱。若謂地形高為上。則所云敢從者為從。誰哉。時武帝連歲幸雍。故敢從之。本紀亦祇云幸雍。不稱上雍也。

票騎將軍去病。怨敢傷青。射殺敢。去病時方貴幸。

上為諱。云鹿觸殺之。居歲餘。去病死。

〔補注〕先謙曰。據武紀元狩六年。

敢有女。為太子中人。愛幸。

〔補注〕沈欽韓曰。中人。蓋未有位號者。猶唐宋宮人曰內人。

敢男禹。有寵於太子。然好利。亦有勇。嘗與侍中貴人飲。侵陵之。莫敢應。

師古曰。言畏其勇氣。

後愬之上。上召禹。使

刺虎。縣下圈中。未至地。有詔引出之。禹從落中。引劍斫絕纆。欲刺虎。

師古曰。落與絡同。謂當時纆絡之而下也。纆。索也。音力追反。

上壯之。

遂救止焉。而當戶有遺腹子陵。將兵擊胡。兵敗。降匈奴。後人告禹謀欲亡從陵。下吏死。

陵字少卿。少為侍中建章監。善騎射。愛人。謙讓下士。

師古曰。下。音胡亞反。

甚得名譽。武帝曰。為有廣之風。使將八

百騎。深入匈奴二千餘里。過居延。視地形。不見虜。還拜為騎都尉。將勇敢五千人。教射酒泉。張掖。引備

胡。數年。漢遣貳師將軍伐大宛。使陵將五校兵隨後。行至塞。會貳師還。上賜陵書。陵留吏士。與輕騎五

百出敦煌。至鹽水。

〔補注〕沈欽韓曰。紀要。鹽水在火州東。有道從水中行。火州在哈密西七百里。即高昌國。裴矩西域記。鹽水在四州高昌縣東南。去瓜州一千三百里。並沙磧地。道路不可準。惟以人畜骸骨及駝馬糞為標驗。

迎貳師還。復留屯張掖。天漢二年。貳師將三萬騎出酒泉。擊右賢王於天山。〔補注〕先謙曰。官本右作左。召陵。欲使爲

貳師將輜重。師古曰。重音直用反。〔補注〕先謙曰。左宣十二年傳注。輜重也。疏。蔽前後。以載物。謂之輜車。載物必重。謂之重車。人挽以行。謂之輦。輜重輦一物也。陵召見武臺。師古曰。未央宮有武臺殿。〔補注〕先謙曰。見黃圖。

叩頭自請曰。臣所將屯邊者。皆荆楚勇士奇材劍客也。〔補注〕先謙曰。上文將勇敢五千人。人史記本作將丹陽楚人五千人。力扼虎。射命中。師古曰。扼。

謂捉持之也。命中者。所指名處。即中之也。扼音厄。願得自當一隊。師古曰。隊。部也。音徒內反。到蘭干山南。召分單于兵。〔補注〕先謙曰。官本。干作于。南作前。案通鑑作蘭于山南。毋令專

鄉貳師軍。師古曰。鄉讀日向。〔補注〕先謙曰。官本。向作嚮。是。上曰。將惡相屬邪。吾發軍多。毋騎子女。〔補注〕先謙曰。毋無同。陵對無所事騎。師古曰。猶言不

事須騎也。臣願召少擊衆。步兵五千人。涉單于庭。上壯而許之。因詔彊弩都尉路博德。將兵半道迎陵軍。博

德故伏波將軍。亦羞爲陵後距。〔補注〕先謙曰。論語其不可者拒之。拒。古本作距。釋文。距。雞爪也。案統言。則距亦爲爪。分言則前者爲爪。後者爲距。雞行爪伸。其後屈不動者距也。淮南修務訓。前爪後距。是也。奏

言方秋。匈奴馬肥。未可與戰。臣願留陵至春。俱將酒泉張掖騎各五千人。並擊東西浚稽。可必禽也。師古

曰。浚稽。山名。時虜分居此兩山也。浚音峻。稽音雞。〔補注〕周壽昌曰。浚稽。唐設羈縻州。屬關內道。李兆洛云。當在今吳喇忒境。書奏。上怒。疑陵悔不欲出。而教博德上書。迺詔博德。